

TERENO PERTENECIENTE NA 600 HENDE A SER BENDI

ORANJESTAD (AAN): Pa prome biaha den historia di Aruba un tereno ta worde bendi na cual tin en total 609 persona envolvi, segun DIARIO a compronde.

Pa e venta aki bay conforme cu tur requisitonan legal, un "akte" a worde traha cu ta consisti di 146 pagina.

Un di e terenonan ta situa na Westpunt y tin un area total di 108.000 meter cuadra, y e otro tereno ta

banda di Boca Catalina di 14.000 meter cuadra, totalizando asina na 122.000 meter cuadra.

Ayera na oficina di Notario Croes, como 34 hende mester a firma representando e 609 hendenan.

Segun DIARIO a compronde, e venta di e tereno aki cu ta pertenece desde año 1899 na Jose Anselmo Figaroa a tuma un tempò di diezun año pa bira realidad.

Ademas tin bastante hende di e distrito di Noord cu mester a firma. Despues cu e venta bira realidad, tin hende cu lo ricibi un parti grandi di e suma, mientras otronan lo ricibi menos di 1 florin.

Segun DIARIO a com-

pronde, tin varios tereno mas na Noord cu ta pasando actualmente den e proceso pa worde bendi. E tereno grandi dilanti di Misa di Noord ta uno di nan, y recientemente e tereno na e cruzada pa bay Washington mes a worde

bendi cu Caribbean Mercantile Bank.

Distrito di Noord ta birando un lugar "prime-time" pa negoshi y hende bay biba. No ta existi e duda cu Noord lo por comberti su mes den e tercer capital di Aruba.